



# KENYATAAN MEDIA

KEMENTERIAN PERDAGANGAN DALAM NEGERI  
DAN KOS SARA HIDUP

No. 13 Persiaran Perdana, Presint 2,  
62623 Putrajaya

No. Telefon : 03-8882 5562

No. Fax : 03-8882 5569

## **PROGRAM JUALAN RAHMAH (PJR) AIDILFITRI DILANCARKAN SELURUH NEGARA**

**PUTRAJAYA, 5 APRIL 2024** – Kementerian Perdagangan Dalam Negeri dan Kos Sara Hidup (KPDN) memperluaskan Agenda Payung RAHMAH MADANI melalui pelaksanaan Program Jualan RAHMAH (PJR) Aidilfitri sempena sambutan lebaran kali ini bermula pada 4 hingga 9 April 2024.

PJR Aidilfitri akan melibatkan jualan produk barangan keperluan asas pada kadar potongan harga antara 10 hingga 30 peratus berbanding harga jualan asal. Selain penjualan barang-barang keperluan kering sebagaimana kebiasaan, PJR Aidilfitri akan melibatkan penawaran jualan barangan keperluan harian lain khusus bagi persiapan menyambut Aidilfitri seperti ayam, daging lembu, beras, rempah-ratus dan sebagainya.

Pelaksanaan PJR Aidilfitri ini akan melibatkan sebanyak 302 lokasi berjadual di seluruh negara. Maklumat pelaksanaan PJR Aidilfitri boleh diakses melalui portal KPDN di pautan <https://www.kpdn.gov.my/ms/jualan-rahmah>.

Sepanjang bulan Ramadan pada tahun ini, KPDN juga telah melaksanakan PJR Ramadan di 452 lokasi di seluruh negara bermula pada 12 Mac hingga 3 April 2024 (1 Ramadan hingga 23 Ramadan 1445H), melepasi sasaran awal sebanyak 450 siri yang disasarkan.

Inisiatif yang dicaknakan oleh KPDN ini merupakan salah satu inisiatif di bawah Kerajaan Madani dalam membantu meringankan kos sara hidup rakyat bagi membeli keperluan asas pada harga yang lebih murah khususnya dalam membuat persiapan berbuka puasa di bulan Ramadan dan menyambut Hari Raya Aidilfitri tidak lama lagi.

### **YB DATUK ARMIZAN MOHD ALI**

Menteri Perdagangan Dalam Negeri  
dan Kos Sara Hidup

**PELAKSANAAN  
PROGRAM JUALAN RAHMAH (PJR) AIDILFITRI  
(4 – 9 APRIL 2024)**

<b>NEGERI</b>	<b>JUMLAH LOKASI</b>
Johor	18
Kedah	21
Kelantan	14
Kuala Lumpur	4
Melaka	13
Pahang	15
Perak	25
Perlis	3
Pulau Pinang	42
Putrajaya	1
Sabah	29
Sarawak	45
Selangor	36
Terengganu	22
Negeri Sembilan	13
Labuan	1
<b>JUMLAH KESELURUHAN</b>	<b>302</b>

**###**